

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
KANTONALNI SUD U BIHAĆU  
Broj:001-0-Su-23-000802  
Bihać, 12.12.2023. godine

Na osnovu člana 69. stav (1) tačka b) i stav (2) tačka d) i člana 70. stav (1) i (4) Zakona o javnim nabavkama ("Službene novine F BiH", br. 39/14 i 59/22) u postupku javne nabavke električne energije, po obavještenju sa portala javnih nabavki broj 8581-7-1-129-3-13/23, predsjednica Kantonalnog suda u Bihaću donosi:

ODLUKU  
O PONIŠTENJU POSTUPKA JAVNE NABAVKE ELEKTRIČNE ENERGIJE

Član 1.

(1) Poništava se postupak javne nabavke električne energije objavljen na Portalu javnih nabavki obavještenjem broj 8581-7-1-129-3-13/23 i ispravkom obavještenja broj 8581-7-1-129-8-15/23 iz razloga što jedina primljena ponuda nije prihvatljiva.

(2) Poništava se Odluka o izboru najpovoljnijeg ponuđača i dodjeli okvirnog sporazuma broj:001-0-Su-23-000802 od 4.12.2023. godine.

Član 2.

Ova odluka objavit će se na web stranici Kantonalnog suda u Bihaću i portalu javnih nabavki i dostaviti ponuđaču koji je učestvovao u postupku javne nabavke.

O b r a z l o ž e n j e

Kantonalni sud u Bihaću je nakon provedenog postupka javne nabavke električne energije po obavještenju sa portala javnih nabavki broj 8581-7-1-129-3-13/23, donio Odluku o izboru najpovoljnijeg ponuđača broj: 001-0-Su-23-000802 od 04.12.2023. godine i okvirni sporazum za snabdijevanje električnom energijom Kantonalnog suda u Bihaću, dodijelio ponuđaču JP „Elektroprivreda BiH“, d.d. Sarajevo. Tačkom III Odluke izabrani ponuđač se obavezuje da u roku 5 dana od dana prijema ove odluke dostavi sve dokaze tražene tačkom 3.1 tenderske dokumentacije. Navedena odluka je aktom ovog suda broj: 001-0-SU-23-000802 od 04.12.2023. godine, dostavljena izabranom ponuđaču uz zapisnik o pregledu i ocjeni ponuda, a koju je izabrani ponuđač zaprimio 06.12.2023. godine.

U dostavljenoj ponudi broj: 04-42828-1/23 od 27.11.2023. godine utvrđeno je da je izabrani ponuđač pored potpisane i ovjerene Izjave o ispunjavanju uslova iz člana 45.stav (1) tačka a) do d) Zakona o javnim nabavkama dostavio i određene dokaze tražene tačkom 3.1.3. tenderske dokumentacije. Za dokazivanje lične sposobnosti propisane članom 45. stav (2) tačka a) Zakona o javnim nabavkama, izabrani ponuđač je dostavio Uvjerenje Suda BiH broj: Su: 03-8779/23 od 27.09.2023. godine, kojim se potvrđuje da protiv pravnog lica JP Elektroprivreda BiH d.d. Sarajevo nije izrečena pravosnažna osuđujuća presuda za krivična djela organiziranog kriminala, prevaru, korupciju i pranje novca pred sudom BiH, a sve u smislu člana 45. stav 2 Tačka a) Zakona o javnim nabavka i Uvjerenje Općinskog suda u Sarajevu broj: 65 0 Kr 18397 23 od 22.11.2023. godine kojim se potvrđuje da protiv JP Elektroprivreda BiH d.d. Sarajevo pred sudovima na području BiH nije podignuta optužnica koja je

stupila na pravnu snagu, odnosno nije podignuta optužnica, a niti izrečena osuđujuća presuda za krivično djelo sa propisanom kaznom zatvora do 5 (pet) godina ili novčanom kaznom kao glavnom kaznom.

Tačkom 3.1.3. tenderske dokumentacije, utvrđeno je da je ponuđač kojem bude dodijeljen sporazum dužan je u roku od (5) dana od dana prijema odluke o izboru najpovoljnijeg ponuđača, između ostalog dostaviti dokumente iz člana 45. stav (2) tačke a) i to: Uvjerenje izdato od strane Suda BiH i Uvjerenje izdato od strane nadležnog suda prema sjedištu ponuđača iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivična djela organiziranog kriminala, korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registriran.

Kako izabrani ponuđač u svojoj ponudi nije dostavio sve dokumente iz člana 45. stav (2) tačke a) do d) Zakona o javnim nabavkama, odnosno nije dostavio uvjerenje izdato od strane nadležnog suda prema sjedištu ponuđača iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivična djela organiziranog kriminala, korupciju, prevaru ili pranje novca, a kako je to zahtijevano tačkom 3.1.3. tenderske dokumentacije, već je dostavio uvjerenje da mu nije izrečena osuđujuća presuda za krivično djelo sa propisanom kaznom zatvora do 5 (pet) godina ili novčanom kaznom kao glavnom kaznom, to je izabrani ponuđač aktom kojim mu je dostavljena Odluka o izboru, obaviješten da je u skladu sa tačkom III navedene Odluke u obavezi da u roku od 5 dana od dana prijema Odluke, dostavi sve dokaze tražene tačkom 3.1.3. tenderske dokumentacije.


Obzirom da ponuđač JP Elektroprivreda BiH d.d. Sarajevo u utvrđenom krajnjem roku, nije dostavilo sve tražene dokaze o kvalifikaciji iz člana 45 stav (2) tačka a) do d) Zakona o javnim nabavkama a kako je to traženo tačkom 3.1.3. tenderske dokumentacije, u skladu sa odredbom člana 69. stav (2) tačka d) Zakona o javnim nabavkama, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba URŽ-u putem ugovornog organa u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove Odluke.

Dostavljeno:

1. JP Elektroprivreda BiH d.d.  
Vilsonovo šetalište 15.  
71000 Sarajevo
2. spis
3. a/a



PREDSJEDNICA SUDA:

Fata Nadarević